

اُسْتِثْنَا

نومرو ۱۰

بجانبہ

۱۲ تشرین ثانی ۱۳۲۴

الغا ایلدیکی اصول اسارت ابا ایدمک استیلوردی . ملتلی ، افرادی محو و مضحل ایدن بوندن منفور بر قاعده متصور دکلدر . مقاله آتیه مزده حق مجازاتک مدافعه مشروعه شکننده اولمدینی قاعده سی وضع ایدن «لوق» وتلامیدی . مسلک نی ایضاح ایلده جکیز .

سعاد مختار

ورمه چاره ۹

شومزدهم اگر صحیح چیقارسه هیچ شبهه یوق بیکارجه یوز بیکارجه خستکائی بر موت الیدن قورتاره حق ، بشریت هر سه کندیسینک بر میلیونی . متجاوز افرادی ، همده کنج ، تازه ، امید استقبال اولان افرادی وقتسنز مزاره سوقان بردشمن بی امانه غلبه چالمش اوله جقدر . اوت شیمدی به قدر مکرراً بویه شایه لر چیقدی . ابتدا یکر می سنه اولو یوز . آلمانیاک نامدار علمی پروفسور (فوخ)ک بودرده دوا بولدینی هر کسی بویوک امیدله دوشوردی . هر دیاردن بر چوق هیئت طیه بودوای مکشوفی اوکره نک ایچون (برلین) . طویلا ندیلر . حتی بیکارجه متورمین موت محققدن تخلیصی نفسی ایچون هر زحمتی هر کلفتی کوزه آدیروب اوشهر عظیمه هجوم ایلدیلر . مع الناسف اکلاشلدی که علاج هنوز قوامنه کله مش .

صوکرا فرانساده دو قنور (مارمورده) بویه برطادلی خبرله هر کسک یوره کنی اوینادی . بوده بوشمش . بعده ایتالیا ارکان طیه سندن جنووالی معلم (ماراغلینو) جهانک انظار دقتی کندینه جلب ایتدی . اورایه ده بر چوق متورملر کیدوب دوا جیدده تسلیم نفس ایتدیلر . او عاصی میقروبلر یوسفرده مغلوب ایدیه مدی . بومایوسیت هنکامنده عالم دویدی ده که قوش پالازی (سروم) نک کاشفرلندن آلمانیا به ، ساده آلمانیا به دکل بوتون انسانیه شرف ویره ن باقتر یولوغ (بهرنغ) ورمه ده بر (وصل شافی) آرایورمش . وعادتا اله بکرمش ایش . هیئات هنوز بوتخریات عمیق و جیدیه ده موفقیت ایله تنویش ایدیه مدی . بو کونده .

کمال مسرتله ایشیدییورزکه ، پاریسک ایشایان حرمت و امنیت حکماستندن
 پروفور (لالوغ) اوج بیلدنبری عملیاتخانه لرده ، خسته خانه لرده ، سانا تور یوملرده
 کمال سکوت و جدیتله تجربه ایتمکده اولدینی برورم چاره سنک بک امیدبخش
 نتایجی انجمن دانش اعضاسنه قارشو اعلان ایدیور . مشارلیه استحضار ایتدیکی
 علاجی اوج سنه اول (قوبای - هنددوموز) لرینه شیرینغه ایدوب تأثیرات
 شفایه نی کورونجه انسانلره تطبیق و تجربه ایدلک اوزره اطبای مشهوره
 و متخصصه دن دوقور (قومی ، لونوار ، کوسی) کی ذواته تودیع ایتش .
 بوللرده بر بوجوق سنه قالدین ارکک ، چوجوق کنج و اختیار مختلف شرائط
 داره سنه یاشایان و علتک مختلف درجه سنه وارمش مرضا اوزرنده تجربه ایله مشرله .
 معلم لالوغ دیسور ، که (بنم رفیقلم « آشار » و « غایسار » ایله برلکده
 بولدیغمز مصل شافی قاطر ویا بیکیردن چیقارلمقده در . بونکچون ورم باسیلاری
 ۱۲۰ درجه حرارتده کی صوده ایصتمقله متحصصل « توکسین » ی مذکور حیوانلره
 شیرینغه ایدیور ، بعده بولرک قانندن مصلی آیریورز . وهر خسته یه هفته ده
 بر کره اشدن اونش ساتی متره مکینه قدر زرق ایلورز . دوقور قومی ۱۸
 خسته اوزرنده تجربه ایله برنجی وایکسجی درجه ده مصاب سل ازمه لرده آثار
 شفایه کورولدیکی واوننک کاملاً شفایاب اولوب یاخود حالارینک بک زیاده
 ایشلشدیکی وکاف سنک دوایه قولایجه مقاومت ایدوب حاتولید ایتدیکی بیلدیردی .
 دوقور کوسی کذلک سروعمزک خارق العاده نتیجه ویردیکی بیان ایلدی .
 دوقور لونواره کوره بولدیغمز مصل صورت قطعیده تهلکک سزدر . نه آق جیکرلرده
 نه عمومی اوله رق وجود فنا برعکس عمل یایمور . بش خسته سندن بری تصلب
 صورتیه کاملاً افاقت بولش ، ایکسینک حالی فوق العاده ایله مک یوز طوتمش ،
 بری غیر متأثر قالمش ، صوکسجی هنوز شملی ایش . دوقور کوسک شاهدانه
 باقیلجه مصلز ایله تداییه باشلانان متورملرده تدریجاً (قوخ باسیلاری) نک
 عددی آزالقده وجوق کره بوسبوتون زائل اولمقده در . (الحاصل بولالوغ)
 مصلنده کورولن تأثیرات شفایه شیمدی یه قدر یاسیلان تجارب متعدده و مختلفه نک

هیچ برنده کورلمدیکی محققدر . انشا الله بوسفرکی امیدلر بوشه چیقماز .
دوقتور

شرف لدین مفعومی

اجمال داخلی

انتخابات کورولتیلری - باب عالیده روملرک نمایشی - نمایشلرک اسباب اصلیه سی -
نهایسته ورلر - ناظره تعرض - بک اوغلانده کی نمایشلر - بیزانس امپراطورلغنه طائد
خاطرات - قوم قبو کلیسانده کی تربیه سزلک - عسکره تحقیر وارده ماز - یاشاون اردو -
ارمنیلرک نمایش وطن پرورانه سی - استانبولده انتخابات شنلکاری - بیوکدرده روملر
واختانات - آوستریا ایلچیه سنه « زیتو ! » - ترک - ارمنی وروم مناسباتنک مقایسه سی -
امثال حیثه خصوصت دکل ، غبطه وامثال ایتلی .

استانبول ، ۱۱ آشرین ثانی ۱۳۲۵

بزه اولیه کلیورکه قضالری فنار ویا آتیه معمولاتنیدن متقللر اوزرنده
اونوتلمش سریع التاثر تجرملرکی باطلایه سی یه قاینایان برقم روم وطنداشلر مزه
« آینه لی چشمه دن ، تارله باشندن ، طاطاوله دن ، بیوکدردن نه قدر بولنه بیلیرسه
اوقدر اویانیق ؛ اولیپوس طاغلرینک ماوراسنده مسموع وممدوح اوله جق قدر
جهیرالصوت واستجلاب منافع خاصه ده یدطولا صاحبی مبعوث چیقاروب مجلس
ملی بی سزنشکیل وامورمنی لطفاً سز تدویر بیوریکیز ، « دیسه ک ، بالفرض
بوله جه برانقیاد وتسلیمیت کوسترسه ک ، ینه ممنون ، ینه حشنود اولیه جئلر ،
چونکه نزاع وشباهه یه محل قالماش اوله جق . اولکی کون باب عالی یه مهاجه ایدن
نمایشجیلرک بیکده طقوز یوز طقسان طقوزینک قیلغنه ، طوریت باقلدقده ،
احوال فکریه سی ، روحیه سی استکشاف وتدقیق ایدلدکه بک قولای اکلاشیله
بیلردی که شوخلق بیلیر بیلمز ، ادراک ایدر ایتمز هر ایشده یاغره سز ممکن دکل
یشابه مز ، حقایق احوالی ، ولوکه دورینک ترس طرفیله اولسون ، کورمک
ایسته مز ، فقط ، بالعکس ، منازعه اسبابی اختراع ایتمک ایچون بین بورار .
وسائل آتاهی ، وسائر جدالی میقروسقوبله تحری ایدر .

بک اوغلنده انتخاباته فساد قاریشمش . چونکه اشخاص موهومه ، مرتحله